

- 1^r Wer syn zung vnd syn mund behüt
- 2^r Der schyrmpet vor angst / sel / vnd gemüt
- 3^r Eyn specht syn jung mit gschrey verriet



Von vil schwetzen.

- 1 Der ist eyn narr der anden wil
- 2 Dar zů sunst yederman schwigt still
- 3 Vnd will on not verdienen haß
- 4 So er mit ere möcht schwigen baß

5 Wer reden wil / so er nit sol
 6 Der fügt jn narren orden wol
 7 Wer antwürt / ee man froget jn
 8 Der zeigt sich selbs eyn narren syn
 9 Mancher hat von sym reden freyd
 10 Dem doch dar vß kumbt schad vnd leyd
 11 Mancher verlobt sich vff syn schwätzen
 12 Das er eyn nusß redt von eynr hätzen
 13 Des wort die sindt so starck vnd tieff
 14 Das er eyn loch redt jn eyn brieff
 15 Vnd richtet zû eyn gschwätz gar licht
 16 Aber wenn er kumbt zû der bicht
 17 Do es jm gyltet ewig lon
 18 So will die zung von statt nit gan /
 19 Es sindt vil Nabal noch vff erd
 20 Die schwätzen me dann jnn güt werd /
 21 Mancher für witzig würd geschetzt
 22 Wann er sich nit hett selbs verschwätzt
 23 Eyn spächt verradt mit syner zung
 24 Das man syn nâst fyndt / vnd die jung
 25 Mit schwigen man verantwort vil
 26 Schaden entpfocht / wer schwätzen wil
 27 Es ist die zung eyn kleyn gelyd
 28 Bringt doch vil vnrû / vnd vnfryd
 29 Befleckt gar dick den gantzen lib
 30 Vnd macht vil zancken / krieg / vnd kyb
 31 Vnd ist eyn wunder groß jn mir
 32 Das man macht zam eyn yedes thier
 33 Wie hert / wie wild / wie grymm das ist /
 34 Keyn mensch synr zungen meister ist

d ij

19 vil GW5046 GW5047] wil GW5041

35 Zung ist eyn vngerüwigs güt
 36 Vil schaden sy dem menschen dǖt /
 37 Durch sie so dǖnt wir schelkten gott
 38 Den nächsten gschmähen wir mit spott
 39 Mit flüchen / noch red / vnd veracht
 40 Den gott noch sym bild hat gemacht /
 41 Durch sie / verrotten wir vil lüt
 42 Durch sie / blibt vnuerschwigen nüt /
 43 Mancher durch gschwätz sich so begot
 44 Er darff nit kouffen wyn noch brot
 45 Die zung die brucht man jn das recht
 46 Durch sie würt krumm das vor was schlecht
 47 Durch sie / verlürt manch armer man
 48 Syn sach / das er muß bettlen gan /
 49 Schwätzer ist nüt zū reden vil
 50 Er kitzt sich / vnd lacht wenn er wil
 51 Vnd redt keym menschen üt gūts noch
 52 Er sy joch nyder oder hoch /
 53 Welch machen groß geschrey vnd bracht
 54 Die lobt man yetz / vnd hatt jr acht
 55 Vor vß / welch köstlich jn har gant
 56 Vil grosser rōck vnd ryng an hant
 57 Die fügen yetz wol für die lüt
 58 Eyns dünnen *rocks* acht man yetz nüt /
 59 Wer noch vff erd Demoschenes
 60 Tullius oder Eschynes
 61 Man geb jn durch jr wißheyt nüt
 62 Wann sy nit kündent bschissen lüt
 63 Vnd reden vil geblümter wort
 64 Vnd was eyn yeder narr gern hort /

58 rocks] rock *GW5041 GW5046 GW5047* **59** Demoschenes *GW5046*] Demofthenes
GW5041 GW5047

65 Wer vil redt / der redt dick zů vil /
 66 Vnd muß ouch schiessen zů dem zil
 67 Werffen den schlegel verr vnd witt
 68 Vnd rincken giessen zů widerstryt
 69 Vil schwätzen ist selten on sünd
 70 Wer vil lügt / der ist nyemans fründ
 71 Wer herren übel redet üt
 72 Das blibt verschwygen nit lang zyt
 73 Ob es joch verr beschäch von jm
 74 Die vōgel tragen vß din stim
 75 Vnd nymbt die leng nit wol gůt end
 76 Dann herren hant gar lange hend /
 77 Wer über sich vil howen wil
 78 Dem fallen spån jn die ougen vil
 79 Vnd wer syn mundt jnn hymel setzt
 80 Der würt offt mit sym schad geletzt /
 81 Eyn narr syn geist eyns mols vß schüt
 82 Der wyß schwigt vnd beit künfftig zytt
 83 Vß vnnütz red / keyn nutz entspringt
 84 Schwätzen me schad dann frommen bringt
 85 Dar vmb vil wāger ist geschwigen
 86 Dann schwätzen reden oder schryen
 87 Sotades durch wenig wort
 88 Gekerckert wart als vmb eyn mort /
 89 Es sprach alleyn Theocrytus
 90 Das einoygig wer Antigonus /
 91 Vnd starb drumb jn sym eygnen huß
 92 Als Demoschenes vnd Tullius
 93 Schwigen ist loblich / recht / vnd gůt
 94 Besser ist red / der jm recht dūt

d iij

73 beschäch GW5046] gefchäh GW5041 GW5047 81 vß GW5046] vff GW5041 GW5047
 92 Demoschenes GW5046] Demofhenes GW5041 GW5047